



**MALAYSIAN REINSURANCE BERHAD**

**tersendiri**

**sinergi**

**keteguhan**

**nilai-nilai**

*yang mendefinisikan kami*



**kepercayaan**

**kemampuan**

**ketahanan**

**kestabilan**

## profil KORPORAT

**Malaysian Reinsurance Berhad (Malaysian Re)** diperbadankan pada 27 Ogos 2004 sebagai sebuah anak syarikat milik penuh MNRB Holdings Berhad (MNRB). Sebagai sebahagian daripada pelaksanaan penstrukturan semula Kumpulan MNRB, perniagaan insurans semula, lesen insurans semula dan aset insurans semula dipindahkan daripada MNRB ke Malaysian Re pada 1 April 2005. Malaysian Re akan terus berusaha mencapai objektif utama seperti mana yang telah berjaya dicapai oleh MNRB selama lebih 30 tahun sejak penubuhannya pada 30 Disember 1972, iaitu sebagai sebuah syarikat insurans semula nasional, yang ditubuhkan bagi mengurangkan pembayaran premium ke luar negara yang sentiasa meningkat. Seiring dengan ini, Malaysian Re akan terus meningkatkan daya saing dan kecekapan syarikat insurans tempatan dalam pasaran global yang semakin pesat membangun melalui penglibatan aktif Malaysian Re dalam menerajui dan mengunderait keperluan insurans semula mereka. Kelas-kelas perniagaan yang diunderait boleh dikategorikan secara umum kepada Kebakaran, Kejuruteraan, Motor, Marin dan Kemalangan Pelbagai. Dengan memanfaatkan pengalaman Syarikat yang luas dan mendalam, asas yang kukuh dan rekod pencapaian yang terbukti cemerlang, Malaysian Re telah berkembang sebagai sebuah syarikat bertaraf antarabangsa yang disegani dan berjaya bertapak dengan kukuh di pasaran Asia, Timur Tengah, Afrika dan China.

### STRUKTUR MODAL

Syarikat mempunyai Modal Dibenarkan berjumlah RM1 bilion, yang terbahagi kepada 1 bilion saham biasa bernilai RM1.00 sesaham dan Modal Berbayar berjumlah RM500 juta, yang dibahagikan kepada 500 juta saham biasa bernilai RM1.00 sesaham.

# maklumat KORPORAT

MALAYSIAN RE

## LEMBAGA PENGARAH

### SHARKAWI ALIS

*Pengerusi Bukan Bebas Bukan Eksekutif*

### HASHIM HARUN

*Presiden & Ketua Pegawai Eksekutif  
Pengarah Eksekutif Bukan Bebas*

### ANUAR MOHD HASSAN

*Pengarah Bukan Bebas Bukan Eksekutif*

### P. RAVEENDEREN

*Pengarah Bebas Bukan Eksekutif*

### DATO' SYED ARIFF FADZILLAH SYED AWALLUDDIN

*Pengarah Bebas Bukan Eksekutif*

### YUSOFF YAACOB

*Pengarah Bebas Bukan Eksekutif*

### DATUK MOHD KHALIL

### DATO' MOHD NOOR

*Pengarah Bukan Bebas Bukan Eksekutif*

### MEGAT DZIAUDDIN

### MEGAT MAHMUD

*Pengarah Bebas Bukan Eksekutif*

## SETIAUSAHA-SETIAUSAHA SYARIKAT

Norazman Hashim (*MIA 5817*)

Lena Abd Latif (*LS 8766*)

## JAWATANKUASA AUDIT

P. Raveenderen (*Pengerusi*)

Dato' Syed Ariff Fadzillah

Syed Awalluddin

Megat Dziauddin Megat Mahmud

## JAWATANKUASA PEMILIHAN

Dato' Syed Ariff Fadzillah

Syed Awalluddin (*Pengerusi*)

Sharkawi Alis

P. Raveenderen

Yusoff Yaacob

Datuk Mohd Khalil Dato' Mohd Noor

## JAWATANKUASA IMBUHAN

Megat Dziauddin Megat Mahmud  
(*Pengerusi*)

Dato' Syed Ariff Fadzillah

Syed Awalluddin

Yusoff Yaacob

## JAWATANKUASA PENGURUSAN RISIKO

Yusoff Yaacob (*Pengerusi*)

P. Raveenderen

Datuk Mohd Khalil Dato' Mohd Noor

## JAWATANKUASA PELABURAN

Datuk Mohd Khalil Dato' Mohd Noor  
(*Pengerusi*)

Anuar Mohd Hassan

Megat Dziauddin Megat Mahmud

Hashim Harun

## JURUAUDIT

Ernst & Young

Tingkat 23A, Menara Milenium

Jalan Damanlela

Pusat Bandar Damansara

Damansara Heights

50490 Kuala Lumpur

Tel : +603-7495 8000

Faks : +603-2095 5332

## BANK

Malayan Banking Berhad

CIMB Bank Berhad

## PEJABAT BERDAFTAR

Tingkat 12, Bangunan Malaysian Re

No. 17, Lorong Dungun

Damansara Heights

50490 Kuala Lumpur

Tel : 03-2096 8000

Faks : 03-2096 7000

E-mel: enquiry@malaysian-re.com.my

Laman Web: www.malaysian-re.com.my

## profil PARA PENGARAH



**SHARKAWI ALIS**, berusia 62 tahun, warganegara Malaysia. Pengerusi Bebas Bukan Eksekutif sejak 3 September 2007. Ahli Jawatankuasa Pemilihan.

Maklumat lain mengenai profil Sharkawi Alis dinyatakan dalam Profil Pengarah MNRB Holdings Berhad di muka surat 12 Laporan Tahunan ini.



**HASHIM HARUN**, berusia 55 tahun, warganegara Malaysia. Pengarah Eksekutif Bukan Bebas sejak 1 April 2008, dan merupakan ahli Jawatankuasa Pelaburan. Beliau kini merupakan Presiden & Ketua Pegawai Eksekutif Malaysian Reinsurance Berhad. Beliau juga adalah Pengerusi Persatuan Insurans Am Malaysia (PIAM) dan Institut Insurans Malaysia (MII). Beliau menerima Ijazah Sarjana Muda Sastera (Kepujian) daripada Universiti Malaya dan memulakan kerjaya di Credit Corporation (M) Berhad, sebuah syarikat kewangan pada tahun 1977. Beliau telah berkhidmat dalam pelbagai kapasiti dan dilantik sebagai Pengurus Besar pada tahun 1988. Pada tahun 1996, berikutan pengambilalihan Credit Corporation (M) Berhad oleh Kumpulan DRB Hicom, beliau telah dilantik oleh Kumpulan sebagai Pengurus Besar di salah sebuah anak syarikatnya iaitu Automotive Corporation (M) Sdn. Bhd. yang merupakan sebuah syarikat pemasangan dan pengedaran kenderaan Isuzu dan trak nasional, Hicom. Pada tahun 1998, beliau telah dipilih oleh Kumpulan untuk berkhidmat di Lembaga SEA Insurance Berhad (kini UNI.Asia General Insurance Berhad) dan kemudian dilantik sebagai Ketua Pegawai Eksekutif Syarikat tersebut pada tahun 1999. Beliau turut memegang jawatan Pengarah di UNI.Asia Capital Berhad dan UNI.Asia Life Assurance Berhad. Beliau pernah menyandang jawatan Pengerusi Biro Pentadbiran Pusat (CAB) dari tahun 2003 hingga 2005 dan turut berkhidmat sebagai Pengarah di Malaysian Rating Corporation Berhad dari tahun 2005 hingga 2007.

## profil para pengarah



**ANUAR MOHD HASSAN**, berusia 56 tahun, warganegara Malaysia. Presiden & Ketua Pegawai Eksekutif Malaysian Re dari 27 Ogos 2004 hingga 31 Mac 2008. Kini, Pengarah Bukan Bebas Bukan Eksekutif dan ahli Jawatankuasa Pelaburan.

Maklumat lain mengenai profil Anuar Mohd Hassan dinyatakan dalam Profil Pengarah MNRB Holdings Berhad di muka surat 12 Laporan Tahunan ini.



**P. RAVEENDEREN**, berusia 64 tahun, warganegara Malaysia. Pengarah Bebas Bukan Eksekutif sejak 27 Ogos 2004. Pengerusi Jawatankuasa Audit dan ahli Jawatankuasa Pengurusan Risiko serta Jawatankuasa Pemililhan.

Maklumat lain mengenai profil P. Raveenderen dinyatakan dalam Profil Pengarah MNRB Holdings Berhad di muka surat 13 Laporan Tahunan ini.



**DATO' SYED ARIFF FADZILLAH SYED AWALLUDDIN**, berusia 65 tahun, warganegara Malaysia. Pengarah Bebas Bukan Eksekutif sejak 27 Ogos 2004. Pengerusi Jawatankuasa Pemilihan, ahli Jawatankuasa Imbuhan dan Jawatankuasa Audit.

Maklumat lain mengenai profil Dato' Syed Ariff Fadzillah Syed Awalluddin dinyatakan dalam Profil Pengarah MNRB Holdings Berhad di muka surat 13 Laporan Tahunan ini.

profil **para pengarah**



**YUSOFF YAACOB**, berusia 61 tahun, warganegara Malaysia. Pengarah Bebas Bukan Eksekutif sejak 31 Mac 2005. Pengerusi Jawatankuasa Pengurusan Risiko dan ahli Jawatankuasa Pemilihan serta Jawatankuasa Imbuan.

Maklumat lain mengenai profil Yusoff Yaacob dinyatakan dalam Profil Pengarah MNRB Holdings Berhad di muka surat 13 Laporan Tahunan ini.



**DATUK MOHD KHALIL DATO' MOHD NOOR**, berusia 68 tahun, warganegara Malaysia. Pengarah Bebas Bukan Eksekutif sejak 31 Mac 2005. Pengerusi Jawatankuasa Pelaburan, ahli Jawatankuasa Pengurusan Risiko dan Jawatankuasa Pemilihan.

Maklumat lain mengenai profil Datuk Mohd Khalil Dato' Mohd Noor dinyatakan dalam Profil Pengarah MNRB Holdings Berhad di muka surat 14 Laporan Tahunan ini.



**MEGAT DZIAUDDIN MEGAT MAHMUD**, berusia 63 tahun, warganegara Malaysia. Pengarah Bebas Bukan Eksekutif sejak 24 Ogos 2006. Pengerusi Jawatankuasa Imbuan, ahli Jawatankuasa Audit dan Jawatankuasa Pelaburan.

Maklumat lain mengenai profil Megat Dziauddin Megat Mahmud dinyatakan dalam Profil Pengarah MNRB Holdings Berhad di muka surat 14 Laporan Tahunan ini.

## kumpulan PENGURUSAN

Presiden & Ketua Pegawai Eksekutif	:	Hashim Harun BA (Hons.)
Naib Presiden Eksekutif & Ketua Pegawai Operasi	:	Mustaffa Ahmad B. Sc. (Hons.)

### NAIB PRESIDEN KANAN

Ketua Pengunderaitan, Unit Perniagaan 1	:	Paul Ng Wooi Yip B. Eng. (Hons.) Mech.
Ketua Pengunderaitan, Unit Perniagaan 2	:	Rajinder Mohan FCII, AIINZ
Ketua Jabatan Retrosisen/Tuntutan/Gemblengan	:	Teoh Bee Lan CA (M), B. Acc. (Hons.)

### NAIB PRESIDEN

Ketua Jabatan Biro Pentadbiran Pusat	:	Mohd Apandi Alias
Ketua Jabatan Fakultatif	:	Thiyaga Rajan Kaliaperumal B. Eng. (Hons.) Chem
Ketua Jabatan Gemblengan Insurans Motor Malaysia/Risiko-Risiko Besar & Terkhusus dan juga Pegawai Pematuhan	:	Kishna Fitra Nordin ACII
Pengunderait Kanan, Unit Perniagaan 1	:	Lilian Chen Sook Fun
Pengunderait Kanan, Unit Perniagaan 1	:	Zaini Abdul Aziz BBA Actuarial Sc. and Risk Management & Insurance
Pengunderait Kanan, Unit Perniagaan 2	:	Lua Tiong Aik B. (Hons.) in Enginnering (Industrial)
Retrosisen/Tuntutan/Gemblengan	:	Abdul Halim Anuar Sharif B. Sc. Mech. Eng.

### PENOLONG NAIB PRESIDEN

Ketua Jabatan Pemeriksaan	:	Izaham Ishak DIA
Ketua Jabatan Pengadaran Khas	:	Fatimy Abdul Rashid MBA
Ketua Jabatan Perkhidmatan Teknikal	:	Musi Kadim B. Eng. (Hons.) Mech.

## profil KUMPULAN PENGURUSAN



1	2
3	4

1. Hashim Harun
2. Mustaffa Ahmad
3. Paul Ng Wooi Yip
4. Rajinder Mohan

Operasi harian Malaysian Re diamanahkan kepada Presiden & Ketua Pegawai Eksekutif, **HASHIM HARUN** yang dibantu oleh kakitangan pengurusan kanan yang berwibawa seperti berikut:

### MUSTAFFA AHMAD

Mustaffa Ahmad adalah Naib Presiden Eksekutif & Ketua Pegawai Operasi Malaysian Re. Merupakan seorang graduan berkelulusan Ijazah Sarjana Muda Sains (Kepujian) Statistik daripada Universiti Heriott-Watt, Edinburgh, Scotland pada 1978. Beliau menyertai Malaysian National Reinsurance Berhad sebagai Pengurus Kanan pada 1989 selepas mengumpul lebih sepuluh tahun pengalaman bekerja di tiga buah syarikat insurans tempatan. Beliau dilantik sebagai Penolong Pengurus Besar pada 1991, Pengurus Besar pada 1994 dan Pengurus Besar Kanan pada 1996. Beliau telah dipindahkan ke Malaysian Re pada 1 April 2005 dan memegang jawatan semasa semenjak Oktober

2005. Beliau juga merupakan Timbalan Pengerusi Persatuan Insurans Kebangsaan Malaysia, Pengerusi Jawatankuasa Penarafan di bawah naungan Persatuan Insurans Am Malaysia (PIAM) dan telah berkhidmat dalam beberapa buah jawatankuasa kecil PIAM.

### PAUL NG WOUI YIP

Paul Ng Wooi Yip adalah Naib Presiden Kanan & Ketua Pengunderaitan yang menerajui Perkhidmatan Pemasaran/Pengunderaitan – Unit Perniagaan 1. Beliau berkelulusan Ijazah Sarjana Muda (Kepujian) dalam Kejuruteraan Mekanikal daripada Universiti Salford, Manchester, United Kingdom pada 1984. Memulakan kerjaya di Malaysian National Reinsurance Berhad sebagai Jurutera Risiko pada 1984. Beliau menyandang jawatan Penolong Pengurus Besar pada 1994. Pada 1 April 2005, beliau ditukarkan ke Malaysian Re dan menyandang jawatan semasa semenjak Oktober 2005.

### RAJINDER MOHAN

Rajinder Mohan adalah Naib Presiden Kanan & Ketua Pengunderaitan yang menerajui Pemasaran/Pengunderaitan – Unit Perniagaan 2. Merupakan ahli Bersekutu Chartered Insurance Institute, United Kingdom dan ahli Bersekutu Kanan Australian and New Zealand Institute of Insurance and Finance. Beliau memulakan kerjaya sebagai Eksekutif di Guardian Royal Exchange (New Zealand) pada Februari 1988 dan seterusnya menyertai Malaysian National Reinsurance Berhad pada November 1988 sebagai Eksekutif Pengunderaitan. Beliau dinaikkan pangkat sebagai Penolong Pengurus Besar bagi Unit Perniagaan 2 pada April 2002. Pada 1 April 2005 beliau ditukarkan ke Malaysian Re dan mula menyandang jawatan semasa semenjak Oktober 2005.

### TEOH BEE LAN

Teoh Bee Lan adalah Naib Presiden Kanan dan Ketua Jabatan Retrosisen/Tuntutan/Gemblengan (secara kolektif digelar Jabatan Pentadbiran Insurans Semula) yang mengendalikan tuntutan, retrosisen dan juga beberapa perkhidmatan pemasaran yang disediakan oleh Malaysian Re kepada industri. Berkelulusan Ijazah Sarjana Muda Perakaunan (Kepujian) daripada Universiti Malaya 1984 dan memulakan kerjayanya dengan firma audit Tetuan Hanafiah Raslan & Mohamed (kini bergabung dengan Ernst & Young).



profil **kumpulan pengurusan**

- 5. Teoh Bee Lan
- 6. Mohd Apandi Alias
- 7. Thiyaga Rajan  
Kaliaperumal
- 8. Kishna Fitra Nordin

5	6
7	8



Pada 1986, beliau menyertai Malaysian National Reinsurance Berhad sebagai Eksekutif Audit Insurans. Dari 1989, sehingga 1990, beliau telah berkhidmat dengan Tetuan Price Waterhouse, Singapura bagi memperolehi pendedahan pengauditan yang lebih meluas sebelum kembali ke Malaysian National Reinsurance Berhad pada 1991 dan mengetuai Jabatan Audit Dalaman. Seterusnya beliau telah dinaikkan pangkat ke jawatan Pengurus Besar, Audit Dalaman pada 1994 dan sebagai Penolong Pengurus Besar pada 1996. Beliau pernah menyandang jawatan Penolong Pengurus Besar yang bertanggungjawab terhadap Jabatan Perancangan Korporat dan Pematuhan dari Januari 1999 dan seterusnya Penolong Pengurus Besar yang bertanggungjawab ke atas Jabatan Pentadbiran Insurans Semula pada Jun 2002. Pada 1 April 2005 beliau ditukarkan ke Malaysian Re dan memegang jawatan semasa semenjak Oktober 2005. Beliau merupakan ahli Institut Akauntan Malaysia.

**MOHD APANDI ALIAS**

Mohd Apandi Alias adalah Naib Presiden yang bertanggungjawab terhadap Jabatan Biro Pentadbiran Pusat (CAB). Beliau memulakan kerjaya di Malaysian National Reinsurance Berhad pada 1981 dan telah dinaikkan pangkat daripada Eksekutif Muda kepada Pengurus Kanan pada April 2003. Beliau ditukarkan ke Malaysian Re pada 1 April 2005 dan memegang jawatan semasa semenjak Oktober 2005.

**THIYAGA RAJAN KALIAPERUMAL**

Thiyaga Rajan Kaliaperumal adalah Naib Presiden & Pengunderaitan Kanan yang mengetuai bahagian Pemasaran/Pengunderaitan Jabatan Fakultatif. Beliau berkelulusan Ijazah Sarjana Muda Kejuruteraan (Kepujian) dalam bidang Kejuruteraan Kimia daripada Universiti Malaya pada tahun 1987. Beliau memulakan kerjaya dengan Jabatan Perkhidmatan Teknikal, di Malaysian National Reinsurance Berhad sebagai Jurutera Risiko pada tahun 1987 dan telah dinaikkan pangkat untuk mengetuai jabatan tersebut. Beliau kemudian ditukarkan ke bahagian Pemasaran/Pengunderaitan – Unit Perniagaan 2 pada bulan April 2002 dan kemudian ditukarkan ke Malaysian Re pada 1 April 2005. Beliau mula menyandang jawatan semasa pada bulan Jun 2008.

**KISHNA FITRA NORDIN**

Kishna Fitra Nordin adalah Naib Presiden & Ketua Jabatan Gemblengan Insurans Motor Malaysia (MMIP) dan Risiko-Risiko Besar & Terkhusus (LSR) yang mengendalikan pentadbiran MMIP dan menguruskan Skim bagi Insurans Risiko Besar & Terkhusus dan juga Pegawai Pematuhan. Beliau memulakan kerjaya di Malaysian National Reinsurance Berhad pada tahun 1988 dan bertugas di Jabatan Pengadaran Khas. Pada tahun 1989, beliau menyertai American Malaysian Insurance di mana beliau terlibat dalam fungsi-fungsi insurans semula dan pengunderaitan. Beliau kembali ke Syarikat pada tahun 1992 dan kemudian dinaikkan pangkat untuk mengetuai Jabatan Pengadaran Khas pada tahun 2004. Pada tahun 2005, beliau ditukarkan ke Malaysian Re dan menyandang jawatan sekarang di Jabatan MMIP dan LSR. Beliau merupakan Penginsurans Bertauliah dan Ahli Bersekutu Chartered Insurance Institute dan Institut Insurans Malaysia.

## aktiviti dan perkhidmatan KORPORAT



Malaysian Re telah terlibat secara aktif dalam pengunderaitan semua kelas perniagaan insurans semula am bagi pasaran Malaysia. Ia telah mengembangkan perniagaannya di peringkat antarabangsa dan kini aktif mengunderait perniagaan daripada pasaran Asia, Timur Tengah, Afrika dan China. Malaysian Re akan terus menyediakan perkhidmatan yang cekap dan akan memastikan produk sedia ada bukan hanya kompetitif, malah turut memenuhi keperluan para pelanggan.

### Perkhidmatan Pasaran

Malaysian Re kini terlibat dalam penyediaan pelbagai perkhidmatan kepada industri insurans di Malaysia. Antara perkhidmatan yang ditawarkan, termasuk yang berikut:

#### a) Perkhidmatan Teknikal

##### Perkhidmatan Kaji Selidik dan Khidmat Nasihat berhubung Pengurusan Risiko

Malaysian Re menyediakan perkhidmatan kaji selidik Risiko Kebakaran kepada industri insurans tempatan untuk kegunaan pengadaran khas, pengunderaitan dan juga anggaran kerugian. Penilaian Risiko Kebakaran dan

perkhidmatan pengurusan risiko yang disesuaikan dengan keperluan yang dilindungi juga disediakan melalui syarikat insurans mereka jika diperlukan.

#### b) Biro Pentadbiran Pusat (CAB)

Malaysian Re telah mengambil inisiatif menubuhkan Biro Pentadbiran Pusat, iaitu sebuah biro yang mentadbir dan mengendalikan urusan insurans semula fakultatif di peringkat pusat di kalangan syarikat insurans dan syarikat insurans semula yang beroperasi di Malaysia. Misinya adalah untuk menyelesaikan masalah pentadbiran dan kewangan serta memastikan pembayaran

premium dan tuntutan dengan lebih cekap. Operasinya disokong oleh sistem berkomputer yang merangkaikan ahli-ahlinya melalui internet. Kos pembangunan dan operasi sistem dibiayai secara bersama oleh ahli-ahlinya. Biro ini diuruskan oleh Malaysian Re dan memulakan operasinya pada 1 Julai 1998.

#### c) Pemeriksaan

Malaysian Re telah diberi mandat oleh Persatuan Insurans Am Malaysia (PIAM) untuk menubuhkan Pasukan Petugas Pemeriksaan untuk mengendalikan pemeriksaan atau melaksanakan penyiasatan terhadap tatalaku atau aktiviti ahli-

## aktiviti dan perkhidmatan korporat



ahlinya selaras dengan terma dan peruntukan Perjanjian Antara Syarikat yang pelbagai. Perjanjian itu telah pun digabungkan dalam satu perjanjian yang dipanggil “Perjanjian Antara Syarikat Berhubung Perniagaan Insurans Am” (ICAGIB), berkuat kuasa pada 1 April 1992.

### d) Geblengan Pasaran Malaysia

- **Geblengan Penerbangan Malaysia (MAP)**

Malaysian Re mula memainkan peranannya sebagai Pengurus MAP bermula daripada 1 Oktober 1996. Buat masa ini, keahliannya terdiri daripada 8 syarikat insurans tempatan dan 4 syarikat insurans semula dengan jumlah keupayaan pengunderaitan sebanyak RM199.8 juta. Pengunderaitan risiko dilaksanakan oleh sebuah Jawatankuasa, yang dilantik oleh syarikat-syarikat yang mengambil bahagian.

Perniagaan yang diunderait oleh geblengan ini adalah risiko Malaysia dan kepentingan Malaysia di luar negara.

- **Konsortium Risiko Tenaga Malaysia (MERIC)**

MERIC telah ditubuhkan pada bulan Mac 1995 dengan objektif untuk mengoptimalkan pengkalan negara, menggalakkan kepentingan dan membangunkan kemahiran pengunderaitan dalam kelas terkhusus iaitu perniagaan tenaga. Konsortium ini terdiri daripada 17 syarikat insurans am tempatan dan 2 syarikat insurans semula di mana Malaysian Re bertindak sebagai Sekretariat. MERIC mempunyai keupayaan untuk mengunderait sehingga had tunggal tergabung RM80 juta untuk risiko hulu dan risiko hiliran, yang dikekalkan sepenuhnya oleh Konsortium. Pengunderaitan risiko dilakukan

oleh sebuah Jawatankuasa, dipilih oleh syarikat-syarikat yang mengambil bahagian. Portfolio utama perniagaan yang diunderait oleh MERIC adalah risiko Malaysia dan kepentingan Malaysia di luar negara. Walau bagaimanapun, menyedari keperluan untuk mewujudkan pengagihan risiko dan asas premium yang lebih meluas, portfolio telah diperluaskan untuk merangkumi risiko di rantau Asia dan negara-negara kawasan Pasifik, Timur Tengah dan negara Afrika Utara.

### e) Latihan Pasaran

Seperti tahun-tahun yang lepas, Malaysian Re telah mengendalikan pelbagai kursus/seminar dalam subjek insurans dan insurans semula bagi kakitangan syarikat insurans. Usaha ini akan diteruskan untuk mempertingkatkan lagi tahap profesionalisme di dalam industri.

## aktiviti dan perkhidmatan korporat



### f) Skim Bagi Insurans Risiko Besar & Khusus (SILSR)

SILSR mula dilaksanakan pada 1 Januari 1994 dan Malaysian Re telah dipilih sebagai Pengurus Skim oleh Bank Negara Malaysia. Objektif utama Skim tersebut adalah untuk mempertingkatkan tahap kepakaran dan profesionalisme syarikat-syarikat insurans supaya lebih peka terhadap keperluan pemilik risiko. Di samping itu, ia juga bertujuan untuk menggalakkan pengekatan keupayaan optimum dan memantapkan kelebihan daya saing negara, justeru, mengurangkan pengaliran premium ke luar negara.

### g) Sihat Malaysia

Skim Sihat Malaysia, telah dilancarkan secara rasmi pada 18 Februari 2000. Ia telah dibangunkan oleh Persatuan Insurans Kebangsaan Malaysia

(NIAM). Ahli-ahli NIAM yang menyertai Skim ini menyediakan program insurans kesihatan yang seragam meliputi penjagaan kesihatan termasuk kemasukan ke hospital tanpa wang tunai, rawatan perubatan, pembedahan serta bantuan kecemasan kepada pemegang polisi. Organisasi Pengurusan Perubatan telah dilantik di bawah Skim ini untuk menyediakan perkhidmatan khusus kepada pemegang-polisi dan ahli-ahli NIAM. Malaysian Re telah dilantik sebagai Pengurus Akaun bagi Skim ini dan pada masa ini dilanggan oleh 8 ahli NIAM.

### h) Pengadaran Khas



Malaysian Re telah dilantik oleh PIAM untuk menubuhkan sebuah Jawatankuasa Pengadaran Khas untuk menentukan kadar khas bagi Insurans Kebakaran dan Insurans

Semua Risiko Perindustrian (IAR) bagi risiko yang layak kadaran khas di bawah Tarif Kebakaran. Jawatankuasa ini terdiri tidak kurang daripada 6 pengunderait insurans kebakaran atau jurunilai risiko yang berkelayakan atau berpengalaman di kalangan ahli PIAM dimana 3 orang ahli hendaklah daripada Malaysian Re. Pengerusi Jawatankuasa Pengadaran ini juga hendaklah merupakan seorang wakil daripada Malaysian Re. Selaras dengan pelantikan ini, Malaysian Re turut bertindak sebagai Sekretariat bagi Jawatankuasa ini serta mengendalikan operasi harian kesemua hal ehwal yang berkaitan dengan permohonan pengadaran khas.



# PORTFOLIO PERNIAGAAN

Malaysian Re



Kelas	2009		2008	
	RM'000	%	RM'000	%
Kebakaran	341,179	36	288,321	37
Motor	221,047	23	195,283	25
Kemalangan Pelbagai	231,725	25	184,257	23
Marin	147,084	16	116,426	15
<b>Jumlah</b>	<b>941,035</b>	<b>100</b>	<b>784,287</b>	<b>100</b>